



XALQ DEPUTATLARI BULUNG'UR TUMAN KENGASHINING Q A R O R I

5 - mart 2021-yil

149/26 -son

2020-yil yakuni bo'yicha tumanni ijtimoiy-iqtisodiy ivojlantirishni reyting baholash natijalari va 2021-yil yakuni bilan barcha ko'rsatkichlarni o'tgan yilning mos davriga nisbatan 30 foizga oshirib bajarish to'g'risida

O'zbekiston Respublikasi Prezidentining 2020-yil 1-maydagi "Hududlarni ijtimoiy-iqtisodiy rivojlantirishni reyting baholash tizimini joriy etish to'g'risida"gi PQ-4702-sonli qarori bilan Respublikamiz hududlarining ijtimoiy-iqtisodiy rivojlanish holati 8 ta ustuvor yo'nalishda statistik ko'rsatkichlar asosida "yaxshi", "o'rta" va "qoniqarsiz" hududlar sifatida baholab borish amaliyoti joriy qilingan edi.

Shulardan kelib chiqqan holda, Bulung'ur tumani 2020-yil hududlarni ijtimoiy-iqtisodiy rivojlantirishni reyting baholash natijalariga asosan "yashil hudud"da qoldi.

Jumladan, 2020-yil davomida amalga oshirilgan ishlar natijasida:

- sanoat mahsulotlari ishlab chiqarish hajmi 555,0 mlrd. so'mga yetkazib, o'tgan yilning mos davriga nisbatan 106,5 foizga yoki aholi jon boshiga 2 mln 941 ming.so'mdan to'g'ri kelishi ta'minlanadi.

xizmatlar hajmi 496,3 mlrd so'mga yetkazilib, o'tgan yilning mos davriga nisbatan 110,9 foizga yoki aholi jon boshiga 2 mln 630 ming.so'mdan to'g'ri kelishi ta'minlanadi.

xalq iste'mol mollari hajmi 534,9 mlrd so'mga yetkazilib, o'tgan yilning mos davriga nisbatan 107 foizga yoki aholi jon boshiga 2 mln 835 ming.so'mdan to'g'ri kelishi ta'minlanadi.

chakana savdo aylanmasi ishlari hajmi 942,9 mlrd so'mga yetkazilib, o'tgan yilning mos davriga nisbatan 107,2 foizga yoki aholi jon boshiga 4 mln 998 ming.so'mdan to'g'ri kelishi ta'minlanadi.

qurilish ishlari hajmi 172,9 mlrd.so'mga yetkazilib, o'tgan yilning mos davriga nisbatan 108,6 foizga o'sishi ta'minlanadi.

qishloq xo'jalik mahsulotlari hajmi 2978,9 mlrd so'mni tashkil etib, o'tgan yilning mos davriga nisbatan 104,4 foizga o'sishi ta'minlanadi.

hududiy eksport hajmini 15,5 mln.dollarga yetkazib aholi jon boshiga 82,2 AQSh.dollaridan to'g'ri kelishini ta'minlash rejalashtirilgan.

Yuqoridagi ko'rsatkichlarga erishishda 2021-yilda investisiya dasturiga kiritilgan umumiy qiymati 1 trln 584 mlrd 771 mln.so'mlik 96 ta loyihalar ishga tushirilishi natijasida 1404 ta yangi ish o'rinlari yaratilishi rejalashtirilgan.

sanoat yo'nalishida umumiy qiymati 280 mlrd 520 mln so'm bo'lgan 20 ta loyihalar ishga tushishi natijasida 442 ta yangi ish o'rinlari;

xizmat ko'rsatish yo'nalishida umumiy qiymati 196 mlrd 765 mln so'm bo'lgan 47 ta loyihalar ishga tushishi natijasida 553 ta yangi ish o'rinlari;

qishloq xo'jaligi yo'nalishida umumiy qiymati 1 trln 134 mlrd 486 mln so'm bo'lgan 29 ta loyihalar ishga tushishi natijasida 409 ta yangi ish o'rinlari yaratiladi.

Tumanda 2021-yilda meva-sabzavot mahsulotlari yetishtirishda, jumladan intensiv bog'larda, tokzorlarda va lalmi yer maydonlarida qo'shimcha 1600 gektar suv tejovchi texnologiyalarni joriy etib jami 3600 gektarga yetkazish ta'minlanadi.

Bugungi kunda tumanda 1310 ta kichik biznes subyektlari faoliyat olib bormoqda, joriy yil yakuniga qadar 1640 taga yetkazilib, har 1000 nafar aholiga to'g'ri keladigan kichik biznes ulushini 8,6 taga yetkaziladi.

Bundan tashqari 3 yildan ortiq faoliyat olib borayotgan tadbirkorlik subyektlarini 672 tadan yil yakuniga qadar 806 taga yetkaziladi.

Faoliyat yuritmayotgan "nol" hisobot topshirayotgan 202 ta kichik biznes subyektlarini kamaytirib, yil yakuniga qadar 117 taga yoki jami subyektdagi ulushini 15 foizga yetkaziladi.

Tumanda aholi bandligini ta'minlash maqsadida 2021-yil davomida 2 ming 461 ta yangi ish o'rinlari yaratilishi rejalashtirilgan.

Yuqoridagilarni inobatga olgan holda, Bulung'ur tumanining barcha ko'rsatkichlarini 2021-yil yakuni bilan o'tgan yilga nisbatan 30 foizga oshirib bajarishga qaratilgan amaliy chora-tadbirlar dasturi ishlab chiqildi.

O'zbeksiston Respublikasi Oliy Majlisi Senati Kengashi va Uzbekistan Respublikasi Oliy Majlisi Qonunchilik palatasi Kengashining 2020-yil 30-oktyabrdagi "Hududlarni ijtimoiy-iqtisodiy rivojlantirishni reyting baholash tizimi ustidan parlament nazoratini tashkil etish to'g'risida"gi (528-IV/QQ-145 -IV-son) qo'shma qarori shuningdek, O'zbekistan Respublikasi Bosh Vazirining 2021-yil 17-fevraldagi (21/1-289-sonli) topshiriq xati ijrosini ta'minlash maqsadida xalq deputatlari tuman Kengashi 26 sessiyasi

QAROR QILADI:

Bulung'ur tumanning barcha ko'rsatkichlarini 2021-yil yakuni bilan o'tgan yilga nisbatan 30 foizga oshirib bajarishga qaratilgan amaliy chora-tadbirlar dasturi ilovaga muvofiq tasdiqlansin.

Tuman sektor rahbarlari (B.Baxromov, S.Saidov, B.Jo'raqulov, Sh.Eshmurodov), tuman hokimining o'rinbosarlari (D.Xabibullayev, R.Xaljigitov, B.Ilchiyev, A.Xalikulov, U.Aliyev, A.Xazratqulov)lar topshiriqlar ijrosiga ma'sul bo'lim va tashkilotlar rahbarlari bilan birgalikda:

10 kun muddatda ushbu chora-tadbirlar dasturlarida belgilangan vazifalarni ijrosini ta'minlash yuzasidan zaruriy chora tadbirlarni belgilash;

joriy yil yakuni bilan aholi jon boshiga to'g'ri keladigan hududiy sanoat ishlab chiqarish, qurilish pudrat, chakana savdo va xizmatlar ko'rsatish hamda markazlashmagan investitsiyalar hajmini o'tgan yilning mos davriga 30 foizga oshirish choralarini ko'rish;

2021-yil uchun belgilangan maxsulotlar eksportini amalga oshirish rejasini bajarilishini ta'minlash;

2021-yilda umumiy qiymati 1 trln 584 mlrd 771 mln. so'm bo'lgan 96 ta investitsiya loyihalarni o'z muddatidan ishga tushirilishini va belgilangan 1404 ta yangi ish o'rinlari yaratish;

oilaviy tadbirkorlikni yo'lga ko'yish loyihalariga ajratilgan imtiyozli kredit resurslarini o'z vaqtida va maqsadli sarflanishini nazoratga olish;

xorijiy investorlar uchun investitsiyaviy jozibadorlikni oshirib, to'gridan-to'g'ri xorijiy investitsiyalarning umumiy investitsiya hajmidagi ulushini oshirish choralarini ko'rish;

faoliyat yuritmayotgan "nol" hisobot topshirayotgan 202 ta kichik biznes subyektlarini kamaytirib, yil yakuniga qadar 117 taga yoki jami subyektdagi ulushini 15 foizga oshirish choralarini ko'rish.

tumanda aholi bandligini ta'minlash maqsadida 2021-yil davomida 2 ming 461 ta yangi ish o'rinlari yaratilish choralarini ko'rish.

"Temir daftar", "Ayollar daftari" va "Yoshlar daftari" ga kiritilgan oilalar bilan individual ishlash, ularning mehnatga layoqatli a'zolarini kasb-hunar markazlarida hamda nodavlat ta'lim markazlarida tadbirkorlikka va kasb-hunarga o'qitish orqali hamda ularga subsidiyalar ajratish orqali shuningdek, zaruriy asbob-uskunalar bilan ta'minlash hamda imtiyozli kreditlar ajratish orqali bandligini ta'minlash choralarini ko'rish.

yilda byudjet tushumlari hamda mahalliy byudjet tushumiga o'rnatilgan prognoz ko'rsatkichlarni oyma oy ortig'i bilan bajarilishini ta'minlash.

amalga oshirilayotgan ishlar, mavjud muammolarni hal etish va ko'rilayotgan choralar to'g'risida tuman Kengashi sessiyalarida axborot berib borish vazifasi yuklatilsin.

3.Mazkur qaror ijrosini nazorat qilish xalq deputatlari tuman Kengashining mahalliy byudjetni shakllantirish va ijro etish, iqtisodiy islohotni amalga oshirish va tadbirkorlikni rivojlantirish masalalari bo'yicha doimiy komissiyasi (M.Namazov) hamda tuman hokimining birinchi o'rinbosari (D.Xabibullayev) zimmasiga yuklatilsin.

**Xalq deputatlari Bulung'ur
Tuman Kengashi raisi:**




B.Baxramov